

Goibekokale

ELGETA / Barikua / 2003ko abenduaren 19a / 166. zenbakia

KOORDINATZAILEA: Irati Agirreazaldegia • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95



IBAN ARANTZABAL

Obretarako bidea egiteko txabola bat bota egin beharko dute.

Torrealdeko etxeak egiteko bidea eraikitzen

IRATI AGIRREAZALDEGI

Torrealdean aurki hasiko dira lehen etxebizitzak eraikitzen. Horretarako, ordea, kamioiak eta makinak bertara gerturaztea beharrezkoa da, eta asmo horrekin Berraondokuako aparkalekutik Torrealdera artean bide bat egiten hasi dira asteon.

Torrealdean etxeak egiteko asmoa aspaldikoa bada ere, oraindik ez dira eraikuntza lanetan hasi. Guztira, 76 egingo dituzte, bost bloketan banatuta. Lehenengo, 16 etxebizitzako bloke bakarra eraikiko dute. Promozio librekoak izango dira etxe hauek, eta honen ostean egingo dituzte gainontzeko 70 etxeak, horietatik 50 librekoak izango dira eta 20 babes ofizialekoak.

Obretan aurki hasiko badira ere, etxeak eraikitzeke makinak eta kamioiak sartu behar dira Torrealdeko lurretara eta horretarako bide bat egingo dute Berraondokuan dagoen aparkalekutik Torrealdera bitartean.

Lanetarako bide hori egiten ari diren bitartean ezin izango

dira autoak utzi Berraondokuko aparkalekuaren zati batean. Hala, auto askorendako lekua kenduko dute obretarako pasabidea egin bitartean.

BIDEA ORTUETATIK

Aparkalekuko zati bat denboraldi baterako kentzeaz gain, inguru horretan dagoen txabola bat ere botako dute gutxienez.

Torrealdean eraikuntza lanetan ibiliko diren kamioiak eta makinak lehen ortuak zeuden lekutik sartu eta aterako dira. Beraz, baratzak ere ezin izango dira aurrerantzean erabili.

Astelehenean hainbat neurketa egin ostean, martitzenean bidea egiteko lanak hasiak ziren. Bidea prestatu eta gero 18 hila-bete dituzte obrak amaitzeko.

*Torre etxearen
alboan ere obretan
ibili dira Uriarte
auzoko ur
hornidura hobetzeko*

Obretarako egindako bidea behin-behinekoa bada ere, Udaletik jakinarazi digutenez baliteke Torrealdeko etxeak egin ondoren inguru hori urbanizatzean bidea hortik bertatik joatea, baina hori oraindik zehazteke dago, eta lanak aurrera joan ahala hartuko dute erabakia.

URIARTE AUZORA URAK

Berrandokutik Torrealderako bidea ez da Elgetan azkenaldian egiten ari diren lan bakarra. Izan ere, aste honetan bertan Torre etxearen alboan hainbat seinale ipini dituzte, obrak direla eta.

Uriarte auzora ura eramateko proiektuaren lehen fasea amaitzeaz da behin hodi guztiak eta estoldak ipini ondoren, herriko uren azpiegiturarekin egin behar dute lotura. Hori da, hain zuzen ere, egun hauetan autoendako zati batean karril bakarra lagatzearen arrazoia.

Torrealdeko lanekin eta Torre alboan egiten ari direnekin obrarik ez da falta herrian. Batzuk etxeak egiteko dira eta besteak, berriz, Uriarte auzoko zenbait baserriko ur hornikuntza hobetze bidean jartzeko.

GABONAK

Olentzero Lehiaketa bihar arratsaldean

Gabonak gainean direnez, gaur, barikua, piztu dituzte jaiegun hauetarako propio ipinitako argiak lehen aldiz plaza inguruan. Guztira, 350 bonbilla jarri dituzte, eta 1.500 euro ordaindu beharko ditu Udalak argiengatik.


Baina argiek soilik ez diete emango Gabon itxura herriari aurten. Izan ere, bihar, zapatua, Olentzero Lehiaketa izango da. Partaideek plazara eraman beharko dituzte lehiaketarako prestatutako Olentzeroren irudiak arratsaldeko 18:00etarako. Herritarrek ez ezik epaimahaia osatuko

duten lagunek ere lanak ongi aztertzeke aukera edukiko dute, gero onena hautatzeko.

Sariak, ordea, ez dira abenduaren 23ra arte banatuko. Egundorretan, gainera, Olentzero etorriko da Elgetara, arratsaldeko 18:30ean, umek idatzitako gutunak jasotzera.

PARKEA

Bestalde, umeendako parkea ipiniko dute urtarrilaren 2an eta 3an arratsaldez kiroldegian. Karaokea, eskulanak egiteko aukera, rokodromoa... izango dira.



Banatzaile berriak GOIENKARIAK

Gaurtik aurrera hiru elgetar arduratuko dira barikuetan, arratsaldeko 16:00ak eta 18:30ak bitartean GOIENKARIA herriko postontzietara banatzeaz: Janire Lazkano, Maialen Arantza eta Ane Elortza, hain zuzen ere. Bestalde, banaketa arduradunak jakinarazi digunez, norbait lan honetarako prest egongo balitz 943 71 23 91 telefonora dei dezake./I.A.

TRAFIKOA

Isuna ipiniko diete datorren urtetik aurrera San Roke kalean gaizki aparkatzen dutenei

I.A.

San Roke kalearen goiko partean dagoen seinale batek oinezkoen lehentasuna ematen die eta ibilgailuetako gidariak hainbat arau betetzera behartzen ditu. Gainera, datorren urtetik aurrera, bertan gaizki aparkatzen duten autoei isuna ipiniko diete.

San Rokera goiko partetik sartuz gero, S-28 zirkulazio seinalea ikusiko dugu. Etxe berriak eraiki zituztenean -urte hasieran- ipini zuten, baina oraindik jende gutxik ulertzen du seinalearen esanahia. Hori dela eta, Udaletik azalpena eman dute, baita jakinarazi ere datorren urtetik aurrera seinaleak dioena ez betetzeagatik isunak ipiniko dituztela.

Seinaleak adierazten du San Roke kalea zirkulazio-gune berezi egokitua dela, bertan oinezkoek dutela lehentasuna, eta zirkulazio-gune osoa erabili ahal izango dutela. Ondorioz, ibilgai-

luen gehieneko lastertasuna 20 kilometro ordukoa izango da, eta aparkatzeko markatutako guneak bakarrik erabiliko dira, Bestalde, gune horretan jolastea eta kirola egitea libre da, baina era berean, oinezkoek ez dituzte gidariak alferrik oztopatuko.

ISUNA

Herriko auto gidariak ez dute itxuraz seinale horrek dioena errespetatzen. Horren aurrean, Udalak informazioa San Roke kaleko postontzi guztietan banatzea erabaki du.

Ohar horretan seinaleari buruzko azalpenak emateaz gain, datorren urtetik isunak ipintzen hasiko direla ere adierazi dute.

Gaur egun, kale horretan gaizki aparkatzen duten ibilgailuetan idatzi hau bera lagatzen dute, gidariak seinale berrira ohi daitezten.

Baina 2004tik aurrera, oharren ordean, isuna aurkituko dute autoa gaizki lagatzen duten gidariak.



San Roke kalearen goiko partean ipini zuten urte hasieran S-28 seinalea.

LABUR

Pilotako finalerdiak jokoan gaur iluntzean

Helduentzako lau t'erdiko pilotako txapelketa azken txanpan da. Gaur, abenduak 19, finalerdiak jokatu dira Udal Pilotalekuan, 20:30ean hasita. Lehen partiduan Arantzabalek eta Telleriak Moralesen eta Zenitagoiaren kontra jardungo dute. Bigarrenetan, Koldok eta Txapelek Arantzabaleen aurka. Bi partiduak amaitu ostean jakingo da zein bikotek jokatuko duten finala abenduaren 31n. Bestalde, herriko pilotari gaztetxoek ere txapelketa jokatuko dute Gabonetan. 50 umek eman dute izena. Kanporaketak hilaren 29an eta 30ean jokatuko dira eta finalak Gabon zahar egunean izango dira.

Sarrerarik ez Takolo, Pirritx eta Porrotx ikusteko

Eibarko ...eta Kitto! Euskara Elkartetik jakinarazi digutenez, bihar, hilak 21, Eibarren izango diren Takolo, Pirritx eta Porrotx pailazoen bi emaldiak ikusteko ez da sarrearik geratzen. Gainera, egunean bertan ez da sarrearik salduko Unibertsitate Laborean. Beraz, ekitaldirako aurrez sarrekeri erosi ez dituzten elgetarrei esan nahi diete bertara joanez gero ezin izango direla sartu.

Azkenean, elizako erlojua konpondu egingo dute

Abuztua ezkerre gelditu egon eta gero, elizako erlojua konpondu egingo dute azkenean. Herriar batek emango ditu erloju publikoaren konpontzeko behar diren 5.000 euroak. Horretarako baldintza bat ipini du: orain dagoen erlojua uztea. Izan ere, Udalak erloju publiko berriz martxan ipintzeko egin zuen proposamendutako bat beste ordulari bat erostea izan zen.

ERRETIRATUAK

Erretiratuendako luntxa eta irteera

I.A.

Erretiratuen biltokiko zuzendaritza batzordeak hainbat ekitaldi antolatu ditu datozen egunetarako. Batetik, luntxa izango da bihar arratsaldean, eta bestetik, nahi dutenendako Donostiako Santo Tomasetako azokara irteera egongo da domekan.

Erretiratuen elkarteko zuzendaritza batzordeko kideek bilera egin zuten joan zen hilaren 10ean, eta bertan hainbat ekintza antolatu zituzten. Batetik, bihar, hilak 20, Gabonen aitzakian elkarteko

bazkide guztiendako luntxa izango da arratsaldeko 17:00etan.

SANTO TOMAS

Bestalde, Santo Tomas egunean, abenduaren 21ean, Donostiara irteera egingo dute erretiratuek, azoka ikusteko.

Goizeko 09:00etan plazatik abiatu eta 13:30ak bitartean Donostian ibili ostean, eguerdiko 14:30ean Orioko Altxerri jate-txean bazkalduko dute. Bidaia eta bazkaria 20 euro izango dira.

Izena emateko azken eguna gaur, abenduak 19, da eta interesatuek Miren Villarregana jo beharko dute.



Gabonak ospatu eta erretiratuak elkarteko luntxa izango da bihar, zapatua.

SAIOA ARANZABAL MASAJEAK

ELGETAN, DOMINGO ITURBE 10ean

- Kiromasajea
- Reflexologia
- Hidromasajea
- Kirol masajea
- Podologia



- Solariuma
- Drenaje linfatikoa
- Algekin eginiko estalkia
- Depilazioa laser bidez

Dei ezazu 646 50 00 29 telefonora ordua eskatzeko

Aperribay, s.l.

Marmoldegi eta granitoak

Pagatza indus. z/g. Tel. eta faxa: 943 78 90 21

20690 ELGETA

BOLATOKI

Eguneko menua

Asteburuan menu bereziak

Plater Konbinatuak, ogitartekoak eta kazuelatxoak

Karta eta babarrun-jana enkarguz

Artetale 2, ELGETA. 943 76 82 84

ERRETRATUZAHARRA

BERGARA

Osintxuko
lagunak, 1920
aldera

Alboko argazkian agertzen diren lau neskek Osintxun bizi izandakoak dira. Zutik azaltzen direnak Paulina Mardaras eta Dominika Lizarralde dira eta eserita daudenak, berriz, Mikaela Mardaras eta Vicenta Lizarralde. Lauretatik Vicenta Lizarralde da bizi den bakarra. Argazkiak 70 inguru ditu eta orduan 20 bat urte izango zituzten laurak. Mardaras ahizpak Lazpiur baserrikoak dira eta Lizarraldetarrak jatorriz Elosuko Narbaiza Azpikua baserrikoak. Paulina kenduta, beste hirurek Artetxe lantegian jardun zuten lanean.


Jabier Astigarraga Mikaelaren semeak laga digu argazkia. Badirudi sasoi hartako argazki estudioaren baten ateratakoa dela. Baliteke Eustakio Agirreoleak Barrenkalean zuen estudioan ateratakoa izatea, datu hori konfirmatzerik izan ez diguten arren. Ikusten duzueenez, ederki asko jantzi ziren Osintxuko lau lagunak argazkia ateratzeko.

Gona, alkandora eta lepo-zapi dotore-dotoreekin hor ditugu laurak baserritar jantzita. Beraien atzean ez da falta giroa sortzeko estudioko argazkia. Dударik ez, gaztetako oroitzen polita izango zuten argazkiarekin.

Argazkia: Jabier Astigarraga

**ADI, IRAKURLE!**

Zure erretratu zaharra argitaratzea nahi izanez gero, zatoz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

**TELEIXA
BILTEGIAK**Eraikuntza
materialakTelleria (Labegaraieta)
BERGARA
Tf. 943 76 27 93**disdira**ile apaindegia
edertze gelaMasterreka 7
BERGARA
943 76 00 55**ezpeleta**
Ostalaritzarako
ehungintzaOstalaritza eta
egoitzetarako
mahai-zapi eta
industri-ehunakSan Lorenzo 1, Bergara
Tf. 943 76 28 77
Tf. eta faxa: 943 76 17 09**Ganbara**
TABERNAHeure erara
ibiltzeko!Irala z/g.
BERGARA
Tel. 943 76 55 75**IRRINTZI**
kafetegiaIrala 3. BERGARA
Tel.: 943 76 48 26**DEBA
GARAIA**INMUEBLE ETA FINANTZA
AGENTZIABergara / Arrasate / Elgoibar
Telesforo Aranzadi 2 behea
943 76 21 80 / 943 76 06 37**JAUJA
KIROLAK**Irizar 2. BERGARA
943 76 14 95**GARRAIOAK
ANDUZU
TRANSPORTES**BERGARA
607 349 043**Grua zerbitzua**Zerbitzu publikoa eta
era guztietako kargak**Jose M. Martin**pinturak - paper pintatuak
sintasola - moketak - gotelea
pintura industrialiaErrekalde auzoa 5, 1.a
ANTZUOLA
Tf. 943 76 62 02 /
666 517 295**UREDERRA**
ITURGINTZAIturgintza
Berogintza
Aire egokitua
Konponketa
SalmentaArruriaga 11
686 943 918



Andsky kamiseta eta prakak
BOLINTXO KIROLAK
Ibargarai 10



Sony kamera digitala
ARGAZKI
Barrenkale 16




Belarritakoak, lepokoa eta eraztuna
HARAIA ZILARREZKO BITXIAK
Boni Laskurain 4



Prakak, kamiseta eta jaka
MUXU JANTZIDENDA
San Pedro 14



Passionata lentzeria
GANTXEGI MERTZERIA
Telesforo Aranzadi 2



Skunk funk jaka
NINFA JANTZIDENDA
Ibargarai 6



Lottusse zapatak
GALARRETA OINETAKOAK
Irizar 2

**Gabonetan,
bai
ederki
herriko
dendetan**

GRUPO **RKUZ** 1950-2003

Zure etxea da



Araba etorbidea 20
Tel./Faxa: 943 79 23 51
ARETXABAETA



Araba Etorbidea 5
Tel./Faxa: 943 79 41 82
ARRASATE



Mitarte 3
Tel./Faxa: 943 77 04 55
ARETXABAETA



Andramari auzunea 1
Tel./Faxa: 943 79 10 97
ARETXABAETA

